

ՀԱՇՎԵՏՎՈՒԹՅՈՒՆ
ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը, զբաղեցրած պաշտոնը՝

Բաբկեն Փաշինյան, մակրոտնտեսական քաղաքականության վարչության արտաքին հատվածի կանխատեսումների և վերլուծությունների բաժնի գլխավոր մասնագետ

2. Գործուղման վայրը և ժամկետները՝ Ավստրիայի Հանրապետություն, ք. Վիեննա, 2023թ. դեկտեմբերի 2-ից դեկտեմբերի 15-ը ներառյալ:

3. Հրավիրող կողմը՝ Արժույթի միջազգային հիմնադրամ

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝

Գործուղման նպատակն էր մասնակցել «Մակրոտնտեսական ախտորոշում» խորագրով դասընթացին, որի ընթացքում ներկայացվել է, թե ինչպես ախտորոշել մակրոտնտեսական անհավասարակշռությունները և բացահայտել խոցելի հատվածները տնտեսության: Դասընթացը ներառում էր չորս հիմնական տնտեսական հատվածների՝ իրական, հարկաբյուջետային, արտաքին և ֆինանսական հատվածների հիմնական ասպեկտները: Հիմնական շեշտը դրվել է այս հատվածների ախտորոշման և խոցելության բացահայտմանը: Այս հասկացությունները լուսաբանելու համար իրականացվել է Թուրքիայի դեպքի մանրակրկիտ ուսումնասիրություն՝ լայնածավալ տվյալների բազայի կիրառմամբ, վերջնարդյունքում իրականացվել է Թուրքիայի տնտեսության չորս հիմնական հատվածների ախտորոշում և խոցելի հատվածների բացահայտում: Դասընթացի էական բաղադրիչը եղել են գործնական սեմինարները, որոնք կազմել են դասընթացի ամբողջ ծրագրի հիմնական մասը:

Ընդհանուր առմամբ, դասընթացն ուներ համապարփակ բնույթ և ընդգրկում էր մակրոտնտեսական վերլուծությունների և դրանց հիման ախտորոշման ընդհանրական նկարագրեր՝ արժևորելով վերջիններիս կիրառական նշանակությունը:

5. Քննարկված թեմաները՝

1. Մակրոտնտեսական շրջանակ,
2. Տնտեսական աճ և արտադրողականություն,
3. Ամբողջական պահանջարկի գործոնային վերլուծություն,
4. Գնաճի և դրամավարկային քաղաքականության վերլուծություն,
5. Հարկաբյուջետային քաղաքականության վերլուծություն,
6. Պարտքի կայունության գնահատում,
7. Արտաքին հատվածի վերլուծություն, մրցունակություն
8. Խոցելիություն և ռիսկերի գնահատում:
9. Տնտեսական և ֆինանսական կայունություն,

10. ՀՆԱ ներուժ և ներուժային մակարդակից շեղման գնահատում,
11. Աճի ախտորոշում արտադրական ֆունկցիայի միջոցով,
12. Աճի վերլուծություն ըստ ծախսային բաղադրիչների,
13. Հարկաբյուջետային հաշվեկշիռ, ցիկլով ճշգրտված հարկաբյուջետային հաշվեկշիռ,
14. Մակրո-ֆիսկալ փոխկապվածություններ,
15. Դրամավարկային քաղաքականություն, գնաճ, Թեյլորի կանոն,
16. Արտաքին պարտք, պահուստներ,
17. Մրցունակություն, արտաքին ռիսկեր:

6. Հանդիպումները, ելույթները, բարձրացված կամ քննարկված հարցերը՝

Դասընթացում ընդգրկված թեմաների շրջանակներում իրականացվել են գործնական աշխատանքներ՝ տեսական գիտելիքների պրակտիկ կիրառման նպատակով: Իրականացվել են նաև տարբեր խմբային աշխատանքներ, ուսումնական խմբային խաղեր, պատրաստվել շնորհանդեսներ, որոնք ներկայացվել և քննարկվել են դասընթացի մասնակիցների հետ: Միաժամանակ շնորհանդեսի միջոցով դասընթացի մասնակիցներին և դասընթացավարներին ներկայացվել են դասընթացն ամփոփող և խմբի կողմից կատարված գործնական աշխատանքների, քննարկումների արդյունքները: Մասնավորապես, ներկայացվել է Թուրքիայի տնտեսության ընթացիկ վիճակի գնահատումը՝ բացահայտելով տնտեսության խոցելիությունները:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

Այդպիսիք առկա չեն:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Այդպիսիք առկա չեն:

9. Ստորագրությունը, ամսաթիվը:



18 դեկտեմբեր, 2023թ.